

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA

Broj: 02-02-7- 686/18  
Sarajevo, 19.4.2018. godine

**Z A P I S N I K**

**18. VANREDNE SJEDNICE DOMA NARODA PARLAMENTA FEDERACIJE BOSNE I  
HERCEGOVINE, održane 19.4. 2018. godine**

Sjednica je počela u 11:40 sati.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, zamjenicu predsjednika Vlade Federacije gospođu Jelku Milićević, ministra Josipa Martića, predstavnike udruženja, međunarodnih organizacija, medija i goste.

Izostanak sa sjednice opravdao je Mladen Lonić.

Na osnovu evidencije Stručne službe, predsjedavajuća je konstatirala da sjednici prisustvuje 41 delegat što čini većinu pa Dom naroda može raditi i punovažno odlučivati.

Aner Žuljević je predložio da se tačka 10. - Odluka o utvrđivanju Privremenih smjernica Politike za provođenje energijske efikasnosti u Federaciji Bosne i Hercegovine, i tačka 19. - Program prestrukturiranja elektroenergetskog sektora u Federaciji Bosne i Hercegovine, skinu iz predloženog dnevnog rada zbog dorade u smislu rokova, a da se tačka 16. - Godišnji izvještaj o poslovanju Javnog preduzeća „Željeznice Federacije BiH“, d.o.o. Sarajevo za 2015. godinu razmatra sa izvještajima o poslovanju za 2016. i 2017. godinu na jednoj od narednih sjednica.

Postavio je pitanje Kolegiju Doma naroda da li može u saradnji sa Kolegijem Predstavničkog doma dogovoriti stavljanje na dnevni red sjednica Predstavničkog doma prijedloga akata koje su predložili delegati u Domu naroda kako bi Predstavnički dom prvi razmatrao ove akte, a potom i Dom naroda.

Slađan Ilić je predložio da se u dnevni red današnje sjednice uvrsti Nacrt zakona o postupanju sa neiskorištenim nekretninama nakon trajne i potpune obustave rudarskih radova kojeg je predložio.

U vezi prijedloga delegata Žuljevića diskutovali su Tomislav Martinović, predsjednik Kluba delegata hrvatskog naroda i Aner Žuljević.

Predsjedavajuća je predložila delegatima da dostave svoje inicijative Stručnoj službi Doma naroda kako bi one mogle biti razmatrane na sjednici predviđenoj za 10. maj 2018. godine.

Budući da je delegat Ilić zatražio glasanje o njegovom prijedlogu, predsjedavajuća je konstatirala da Dom naroda Parlamenta Federacije je sa 44 glasa za i tri suzdržana glasa usvojio sljedeći

## ZAKLJUČAK

Nacrt zakona o postupanju sa neiskorištenim nekretninama nakon trajne i potpune obustave rudarskih radova će se razmatrati na sjednici Doma naroda predviđenoj za 10. maj 2018. godine.

Budući da nije više bilo prijedloga za izmjenu i dopunu predloženog dnevnog reda, predsjedavajuća je obavijestila delegate o sljedećem:

Vlada Federacije dostavila je sjedeće Prijedloge zakona s prijedlogom da se razmatraju po **skraćenom** postupku:

- Prijedlog zakona o izmjeni Zakona o finansijskoj konsolidaciji privrednih društava u Federaciji Bosne i Hercegovine,
- Prijedlog zakona o izmjeni Zakona o zdravstvenom osiguranju,
- Prijedlog zakona o izmjenama i dopunama Zakona o visini stope zatezne kamate na javne prihode i
- Prijedlog zakona o izmjeni Zakona o doprinosima.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 46 glasova za, dva glasova protiv i dva suzdržana glasa, prihvatio da se Prijedlog zakona o izmjeni Zakona o finansijskoj konsolidaciji privrednih društava u Federaciji Bosne i Hercegovine razmatra po skraćenom postupku.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 44 glasa za i tri suzdržana glasa, prihvatio da se Prijedlog zakona o izmjeni Zakona o zdravstvenom osiguranju razmatra po skraćenom postupku.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 43 glasa za, jednim glasom protiv i četiri suzdržana glasa, prihvatio da se Prijedlog zakona o izmjenama i dopunama Zakona o visini stope zatezne kamate na javne prihode razmatra po skraćenom postupku.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 43 glasa za i tri suzdržana glasa, prihvatio da se Prijedlog zakona o izmjeni Zakona o doprinosima razmatra po skraćenom postupku.

Vlada Federacije dostavila je dopis kojim iz parlamentarne procedure **povlači** radi dorade teksta Nacrt zakona o elektronskom potpisu Federacije Bosne i Hercegovine, te se skida s predloženog dnevnog reda.

Delegat Željko Mirković je predložio da se na današnjoj sjednici razmatra Godišnji izvještaj o poslovanju Javnog preduzeća „Željeznice Federacije BiH“, d.o.o. Sarajevo za 2015. godinu, zbog važnosti teme za Unsko - sanski kanton.

Potom je predsjedavajuća konstatirala da je Dom naroda, sa 46 glasova za i dva suzdržana glasa, usvojio sljedeći

### **D N E V N I R E D**

1. Prijedlog zakona o izmjeni Zakona o finansijskoj konsolidaciji privrednih društava u Federaciji Bosne i Hercegovine - skraćeni postupak,
2. Prijedlog zakona o izmjeni Zakona o zdravstvenom osiguranju - skraćeni postupak,
3. Prijedlog zakona o izmjenama i dopunama Zakona o visini stope zatezne kamate na javne prihode - skraćeni postupak,
4. Prijedlog zakona o izmjeni Zakona o doprinosima - skraćeni postupak,
5. Nacrt zakona o izmjenama i dopunama Zakona o fiskalnim sistemima,
6. Nacrt zakona o dugu, zaduživanju i garancijama u Federaciji Bosne i Hercegovine,
7. Nacrt zakona o ugostiteljstvu Federacije Bosne i Hercegovine,
8. Nacrt Zakona o obaveznim osiguranjima u saobraćaju,
9. Odluka o utvrđivanju Privremenih smjernica Politike za provođenje energetske efikasnosti u Federaciji Bosne i Hercegovine,
10. Prijedlog odluke o davanju saglasnosti na Izmjene i dopune (Rebalans) Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2017.godinu (konsolidovani), Izmjene i dopune Finansijskog plana Federalnog fonda solidarnosti za 2017. godinu (Rebalans) - (Anex I) i Odluku o

načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2017. godinu,

11. Prijedlog odluke o davanju saglasnosti na izvještaje o radu Zavoda za transfuzijsku medicinu Federacije Bosne i Hercegovine za 2016. godinu,
12. Prijedlog odluke o davanju saglasnosti na Rebalans finansijskog plana Zavoda za transfuzijsku medicinu Federacije Bosne i Hercegovine za 2017. godinu,
13. Prijedlog odluke o davanju saglasnosti na Plan rada i razvoja Zavoda za transfuzijsku medicinu Federacije Bosne i Hercegovine za 2017. godinu,
14. Informacija o aktivnostima u postupku izdavanja Energetske dozvole za izgradnju Bloka 7- 450 MW u TE Tuzla investitora Javno preduzeće Elektroprivreda BiH d.d. Sarajevo,
  - Prijedlog Zaključka o davanju prethodne saglasnosti u postupku izdavanja Energetske dozvole investitoru JP „Elektroprivreda BiH“ d.d. Sarajevo,
  - Završna Informacija o izboru Projektnog partnera za izgradnju bloka 7-450 MW u TE „Tuzla“ sa Prijedlogom zaključka koji je Vlada Federacije prihvatila na 127. sjednici održanoj 10.11.2017. godine, Zaključkom, V., broj: 1453/2017,
15. Godišnji izvještaj o poslovanju Javnog preduzeća „Željeznice Federacije BiH“, d.o.o. Sarajevo za 2015. godinu,
16. Izvještaj o radu FERK-a za 2016. godinu,
17. Izvještaj o radu Komisije za koncesije Federacije Bosne i Hercegovine za 2016. godinu,
18. Program prestrukturiranja elektroenergetskog sektora u Federaciji Bosne i Hercegovine,
19. Izbori i imenovanja.

## **1. Prijedlog zakona o izmjeni Zakona o finansijskoj konsolidaciji privrednih društava u Federaciji Bosne i Hercegovine - skraćeni postupak**

Prijedlog zakona utvrdila je Vlada Federacije

Predstavnički dom Parlamenta Federacije je na 22. vanrednoj sjednici održanoj 21.11.2017. godine usvojio Prijedlog zakona o izmjeni Zakona o finansijskoj

konsolidaciji privrednih društava u Federaciji Bosne i Hercegovine u tekstu kako ga je predložila Vlada Federacije.

Prijedlog zakona razmatrala su nadležna radna tijela i dostavila svoje izvještaje.

Prijedlog zakona je obrazložio Marinko Bošnjak, pomoćnik federalnog ministra energije, rudarstva i industrije.

U raspravi su učestvovali: Aner Žuljević, Mirvet Beganović i Muhamed Kozadra.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 34 glasa za, pet glasova protiv i četiri suzdržana glasa, usvojio Prijedlog zakona o izmjeni Zakona o finansijskoj konsolidaciji privrednih društava u Federaciji Bosne i Hercegovine.

## **2. Prijedlog zakona o izmjeni Zakona o zdravstvenom osiguranju - skraćeni postupak**

Prijedlog zakona utvrdila je Vlada Federacije

Predstavnički dom Parlamenta Federacije je na 28. vanrednoj sjednici održanoj 18.4.2018. godine usvojio Prijedlog zakona o izmjeni Zakona o zdravstvenom osiguranju u tekstu kako ga je predložila Vlada Federacije.

Prijedlog zakona razmatrala su nadležna radna tijela i dostavila svoje izvještaje.

Prijedlog zakona je obrazložila Snježana Bodnaruk, sekretarka Federalnog ministarstva zdravstva.

U raspravi su učestvovali: Aner Žuljević, Slaviša Šućur, predsjednik Kluba delegata srpskog naroda, Tomislav Martinović, predsjednik Kluba delegata hrvatskog naroda, Osman Ćatić, predsjednik Kluba delegata bošnjačkog naroda, Draženka Subašić, Fuad Hadžimehmedović, sekretarka federalnog ministarstva zdravstva Snježana Bodnaruk i Muhamed Kozadra.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 31 glasom za, sedam glasova protiv i sedam suzdržanih glasova, usvojio Prijedlog zakona o izmjeni Zakona o zdravstvenom osiguranju.

## **3. Prijedlog zakona o izmjenama i dopunama Zakona o visini stope zatezne kamate na javne prihode - skraćeni postupak**

Prijedlog zakona utvrdila je Vlada Federacije

Predstavnički dom Parlamenta Federacije je na 28. vanrednoj sjednici održanoj 18.4.2018. godine usvojio Prijedlog zakona o izmjenama i dopunama Zakona o visini

stope zatezne kamate na javne prihode sa Amandmanom koji je Vlada Federacije naknadno dostavila

Prijedlog zakona razmatrala su nadležna radna tijela i dostavila svoje izvještaje.

Prijedlog zakona je obrazložila Jelka Milićević, federalna ministrica finansija.

U raspravi su učestvovali Edin Forto i ministrica Milićević.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 34 glasa za, dva glasa protiv i dva suzdržana glasa, usvojio Prijedlog zakona o izmjenama i dopunama Zakona o visini stope zatezne kamate na javne prihode.

#### **4. Prijedlog zakona o izmjeni Zakona o doprinosima - skraćeni postupak**

Prijedlog zakona utvrdila je Vlada Federacije

Predstavnički dom Parlamenta Federacije je na 28. vanrednoj sjednici održanoj 18.4.2018. godine usvojio Prijedlog zakona o izmjeni Zakona o doprinosima u tekstu kako ga je predložila Vlada Federacije BiH.

Prijedlog zakona razmatrala su nadležna radna tijela i dostavila svoje izvještaje.

Prijedlog zakona je obrazložila Jelka Milićević, federalna ministrica finansija.

U raspravi su učestvovali Edin Forto i ministrica Milićević.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 40 glasova za i jednim suzdržanim glasom, usvojio Prijedlog zakona o izmjeni Zakona o doprinosima.

#### **5. Nacrt zakona o izmjenama i dopunama Zakona o fiskalnim sistemima**

Nacrt zakona je utvrdila Vlada Federacije.

Nacrt zakona razmatrala su nadležna radna tijela i dostavila svoje izvještaje.

Nacrt zakona je obrazložila Jelka Milićević, federalna ministrica finansija.

U raspravi su učestvovali Tomislav Martinović, Aner Žuljević, Draženka Subašić, Lidija Bradara i ministrica Milićević.

Na osnovu rezultata glasanja, predsjedavajuća je konstatirala da je Dom naroda Parlamenta Federacije BiH, sa 37 glasova za i dva suzdržana glasa, usvojio sljedeći

### **ZAKLJUČAK**

1. Dom naroda Parlamenta Federacije Bosne i Hercegovine prihvata Nacrt zakona o izmjenama i dopunama Zakona o fiskalnim sistemima i smatra da može poslužiti kao osnov za izradu Prijedloga zakona.
2. Zadužuje se Vlada Federacije BiH da organizira i provede javnu raspravu u trajanju od 90 dana.
3. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda i u javnoj raspravi.

### **6. Nacrt zakona o dugu, zaduživanju i garancijama u Federaciji Bosne i Hercegovine**

Nacrt zakona utvrdila je Vlada Federacije.

Nacrt zakona razmatrala su nadležna radna tijela i dostavila svoje izvještaje.

Nacrt zakona o dugu, zaduživanju i garancijama u Federaciji Bosne i Hercegovine obrazložila je federalna ministrica finansija Jelka Miličević.

U raspravi su učestvovali: Tomislav Martinović, predsjednik Kluba delegata hrvatskog naroda, Aner Žuljević, Draženka Subašić, Muhamed Kozadra, Slaviša Šućur, predsjednik Kluba delegata srpskog naroda, Edin Forto i Jelka Miličević.

Na osnovu rezultata glasanja, predsjedavajuća je konstatirala da je Dom naroda Parlamenta Federacije Bosne i Hercegovine, jednoglasno sa 41 glasom za, usvojio sljedeći

### **ZAKLJUČAK**

1. Dom naroda Parlamenta Federacije Bosne i Hercegovine prihvata Nacrt zakona o dugu, zaduživanju i garancijama u Federaciji Bosne i Hercegovine i smatra da može poslužiti kao osnov za izradu Prijedloga zakona.
2. Zadužuje se Vlada Federacije BiH da organizira i provede javnu raspravu u trajanju od 90 dana.

3. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda i u javnoj raspravi.

## **7. Nacrt zakona o ugostiteljstvu Federacije Bosne i Hercegovine**

Nacrt zakona utvrdila je Vlada Federacije.

Nacrt zakona razmatrala su nadležna radna tijela i dostavila svoje izvještaje.

Nacrt zakona o ugostiteljstvu Federacije Bosne i Hercegovine obrazložila je federalna ministrica okoliša i turizma Edita Đapo.

U raspravi su učestvovali: Anes Osmanović, Željko Mirković, Tomislav Martinović, Đuro Prkačin, Slaviša Šućur, Ismet Sarajlić i Lidija Bradara.

Na osnovu rezultata glasanja, predsjedavajuća je konstatirala da je Dom naroda Parlamenta Federacije Bosne i Hercegovine, jednoglasno sa 42 glasa za, usvojio sljedeći

### **ZAKLJUČAK**

1. Dom naroda Parlamenta Federacije Bosne i Hercegovine prihvata Nacrt zakona o ugostiteljstvu Federacije Bosne i Hercegovine i smatra da može poslužiti kao osnov za izradu Prijedloga zakona.
2. Zadužuje se predlagač da organizira i provede javnu raspravu u trajanju 90 dana u skladu sa procedurom propisanom u Ustavu Federacije za donošenje zakona iz zajedničke nadležnosti federalne vlasti i kantona.
3. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda, kao i one iznesene u okviru javne rasprave.
4. Zadužuje se Stručna služba Doma naroda Parlamenta Federacije Bosne i Hercegovine da ovaj zaključak i Nacrt zakona o ugostiteljstvu Federacije Bosne i Hercegovine dostavi kantonalnim skupštinama radi davanja mišljenja u roku od 30 dana.

## **8. Nacrt Zakona o obaveznim osiguranjima u saobraćaju**

Nacrt zakona utvrdila je Vlada Federacije.

Nacrt zakona razmatrala su nadležna radna tijela i dostavila svoje izvještaje.



Nacrt zakona o obaveznim osiguranjima u saobraćaju obrazložila je federalna ministrica finansija Jelka Milićević.

U raspravi su učestvovali: Slaviša Šućur i Tomislav Martinović.

Na osnovu rezultata glasanja, predsjedavajuća je konstatirala da je Dom naroda Parlamenta Federacije Bosne i Hercegovine, sa 42 glasa za i tri suzdržana glasa, usvojio sljedeći

## ZAKLJUČAK

1. Dom naroda Parlamenta Federacije Bosne i Hercegovine prihvata Nacrt zakona o obaveznim osiguranjima u saobraćaju i smatra da može poslužiti kao osnov za izradu Prijedloga zakona.
2. Zadužuje se Vlada Federacije BiH da organizira i provede javnu raspravu u trajanju od 90 dana.
3. Zadužuje se predlagač da prilikom izrade Prijedloga zakona ima u vidu primjedbe, prijedloge i sugestije iznesene na sjednici Doma naroda, sjednicama klubova naroda u Domu naroda i u javnoj raspravi.

### **9. Odluka o utvrđivanju Privremenih smjernica Politike za provođenje energijske efikasnosti u Federaciji Bosne i Hercegovine**

Odluku je utvrdila Vlada Federacije i dostavila je Parlamentu Federacije radi razmatranja i davanja saglasnosti.

Odluku su razmatrala nadležna radna tijela i dostavila svoje izvještaje.

Odluku o utvrđivanju Privremenih smjernica Politike za provođenje energijske efikasnosti u Federaciji Bosne i Hercegovine obrazložila je Amira Pintul, predstavnik Federalnog ministarstva energije, rudarstva i industrije.

Nije bilo rasprave o ovoj tački dnevnog reda.

Na osnovu rezultata glasanja, predsjedavajuća je konstatirala da je Dom naroda Parlamenta Federacije Bosne i Hercegovine, sa 39 glasova za i dva suzdržana glasa, donio Odluku o davanju saglasnosti na Odluku o utvrđivanju Privremenih smjernica Politike za provođenje energijske efikasnosti u Federaciji Bosne i Hercegovine.

**10. Prijedlog odluke o davanju saglasnosti na Izmjene i dopune (Rebalans) Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2017.godinu (konsolidovani), Izmjene i dopune Finansijskog plana Federalnog fonda solidarnosti za 2017. godinu (Rebalans) - (Anex I) i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2017. godinu**

Vlada Federacije je dostavila Parlamentu Federacije Prijedlog odluke o davanju saglasnosti na Izmjene i dopune (Rebalans) Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2017.godinu (konsolidovani), Izmjene i dopune Finansijskog plana Federalnog fonda solidarnosti za 2017. godinu (Rebalans) - (Anex I) i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2017. godinu.

Predstavnički dom Parlamenta Federacije je obavijestio Dom naroda da je na 28. vanrednoj sjednici održanoj 18. 4. 2018.godine donio Odluku o davanju saglasnosti na Izmjene i dopune (Rebalans) Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2017.godinu (konsolidovani), Izmjene i dopune Finansijskog plana Federalnog fonda solidarnosti za 2017. godinu (Rebalans) - (Anex I) i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2017. godinu.

Prijedlog odluke su razmatrala nadležna radna tijela i dostavila svoje izvještaje.

Prijedlog Odluke obrazložila je vršiteljica dužnosti direktora Zavoda za zdravstveno osiguranje i reosiguranje Federacije BiH, Vlatka Martinović.

U raspravi su učestvovali: Muhamed Kozadra, Tomislav Martinović, Segmedina Srna-Bajramović, Osman Ćatić, predsjednik Kluba delegata bošnjačkog naroda, Vlatka Martinović, Aner Žuljević i Slaviša Šućur.

Na osnovu rezultata glasanja, predsjedavajuća je konstatirala da je Dom naroda Parlamenta Federacije Bosne i Hercegovine, sa 38 glasova za, jednim glasom protiv i tri suzdržana glasa, donio Odluku o davanju saglasnosti na izmjene i dopune (Rebalans) Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2017.godinu (konsolidovani), Izmjene i dopune Finansijskog plana Federalnog fonda solidarnosti za 2017. godinu (Rebalans) - (Anex I) i Odluku o načinu izvršavanja Rebalansa Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2017.godinu.

**11. Prijedlog odluke o davanju saglasnosti na izvještaje o radu Zavoda za transfuzijsku medicinu Federacije Bosne i Hercegovine za 2016. godinu**

Vlada Federacije dostavila je ove materijale Parlamentu Federacije radi razmatranja i davanja saglasnosti.

Ove materijale razmatrala su nadležna radna tijela i dostavila svoje izvještaje.

Nije bilo potrebe za obrazlaganjem ovih materijala.

U raspravi je učestvovao Zdravko Bešlić.

Na osnovu rezultata glasanja, predsjedavajuća je konstatirala da je Dom naroda Parlamenta Federacije Bosne i Hercegovine, sa 35 glasova za, jednim glasom protiv i pet suzdržanih glasova, donio Odluku o davanju saglasnosti na izvještaje o radu Zavoda za transfuzijsku medicinu Federacije Bosne i Hercegovine za 2016. godinu.

**12. Prijedlog odluke o davanju saglasnosti na Rebalans finansijskog plana Zavoda za transfuzijsku medicinu Federacije Bosne i Hercegovine za 2017. godinu**

Vlada Federacije dostavila je Prijedlog odluke o davanju saglasnosti na Rebalans finansijskog plana Zavoda za transfuzijsku medicinu Federacije Bosne i Hercegovine za 2017. godinu Parlamentu Federacije radi razmatranja i davanja saglasnosti.

Prijedlog odluke razmatrala su nadležna radna tijela i dostavila svoje izvještaje.

Nije bilo potrebe za obrazlaganjem prijedloga odluke

U raspravi nije niko učestvovao.

Na osnovu rezultata glasanja, predsjedavajuća je konstatirala da je Dom naroda Parlamenta Federacije Bosne i Hercegovine, sa 32 glasa za, jednim glasom protiv i četiri suzdržana glasa, donio Odluku o davanju saglasnosti na Rebalans finansijskog plana Zavoda za transfuzijsku medicinu Federacije Bosne i Hercegovine za 2017. godinu.

**13. Prijedlog odluke o davanju saglasnosti na Plan rada i razvoja Zavoda za transfuzijsku medicinu Federacije Bosne i Hercegovine za 2017. godinu**

Vlada Federacije dostavila je Prijedlog odluke o davanju saglasnosti na Plan rada i razvoja Zavoda za transfuzijsku medicinu Federacije Bosne i Hercegovine za 2017. godinu Parlamentu Federacije radi razmatranja i davanja saglasnosti.

Prijedlog odluke razmatrala su nadležna radna tijela i dostavila svoje izvještaje. Plan rada i razvoja Zavoda za transfuzijsku medicinu Federacije Bosne i Hercegovine za 2017. godinu obrazložila je direktorica Zavoda za transfuzijsku medicinu, Jasminka Kurilić.

U raspravi su učestvovali: Zdravko Bešlić, Jasminka Kurilić, Slaviša Šućur, Osman Čatić i Aner Žuljević.

Na osnovu rezultata glasanja, predsjedavajuća je konstatirala da je Dom naroda Parlamenta Federacije Bosne i Hercegovine, sa 35 glasova za, jednim glasom protiv i osam suzdržanih glasova, donio Odluku o davanju saglasnosti na Plan rada i razvoja Zavoda za transfuzijsku medicinu Federacije Bosne i Hercegovine za 2017. godinu.

#### **14. Informacija o aktivnostima u postupku izdavanja Energetske dozvole za izgradnju Bloka 7- 450 MW u TE Tuzla investitora Javno preduzeće Elektroprivreda BiH d.d. Sarajevo,**

**-Prijedlog Zaključka o davanju prethodne saglasnosti u postupku izdavanja Energetske dozvole investitoru JP „Elektroprivreda BiH“ d.d. Sarajevo,**

**-Završna Informacija o izboru Projektnog partnera za izgradnju bloka 7-450 MW u TE „Tuzla“ sa Prijedlogom zaključka koji je Vlada Federacije prihvatila na 127. sjednici održanoj 10.11.2017. godine, Zaključkom,V., broj: 1453/2017**

Informaciju je dostavila Vlada Federacije radi razmatranja, dok je Prijedlog zaključka dostavljen radi davanja prethodne saglasnosti.

Informaciju su razmatrala nadležna radna tijela i dostavila svoje izvještaje.

Delegati Doma naroda smatrali su da nema potrebe da predstavnik Vlade Federacije obrazloži Informaciju i Prijedlog zaključka.

U raspravi su učestvovali: Almedin Aliefendić, koji je predložio Zaključak i Slaviša Šućur.

Na osnovu rezultata glasanja predsjedavajuća je konstatirala da je Dom naroda Parlamenta Federacije Bosne i Hercegovine sa 38 glasova za i dva suzdržana glasa donio sljedeći

## **Z A K L J U Č A K**

### **o davanju prethodne saglasnosti u postupku izdavanja Energetske dozvole investitoru Javnom preduzeću „Elektroprivreda BiH“ d.d. Sarajevo**

#### **I.**

Dom naroda Parlamenta Federacije Bosne i Hercegovine daje prethodnu saglasnost Federalnom ministarstvu energije, rudarstva i industrije u postupku izdavanja

Energetske dozvole, Javnom preduzeću „Elektroprivreda BiH“ d.d. Sarajevo, za izgradnju Bloka 7- 450 MW u TE Tuzla, instalirane nazivne snage 450 MW, planirane godišnje proizvodnje električne energije od 2.739,81 GWh i 390,9 GWh toplotne energije, koja se planira graditi na postojećoj lokaciji Termoelektrane „Tuzla“ u Tuzli.

## II.

Zadužuje se Federalno ministarstvo energije, rudarstva i industrije da pristupi aktivnostima iz člana 23. st. (4), (5), (6) i (7) i člana 24. Uredbe o postupku, kriterijumima, formi i sadržaju zahtjeva za izdavanje energetske dozvole za izgradnju novih i rekonstruiranje postojećih proizvodnih postrojenja („Službene novine Federacije BiH“, broj 27/14), na izdavanju Energetske dozvole iz tačke I. ovog zaključka.

## III.

Ovaj zaključak stupa na snagu narednog dana od dana objave u „Službenim novinama Federacije BiH“.

Tom prilikom, delegati Doma naroda Parlamenta Federacije Bosne i Hercegovine su jednoglasno sa 41 glasom za usvojili i sljedeći

## ZAKLJUČAK

1. Dom naroda Parlamenta Federacije Bosne i Hercegovine prihvata Završnu informaciju o izboru projektnog partnera za izgradnju Bloka 7 - 450 MW u TE Tuzla, broj 01-07-29332/2017 od 28.9.2017. godine, pripremljenu od strane Javnog preduzeća “Elektroprivreda BiH” d.d.-Sarajevo (u daljnjem tekstu: JP “Elektroprivreda BiH” d.d.-Sarajevo).
2. Dom naroda Parlamenta Federacije Bosne i Hercegovine daje prethodnu saglasnost JP “Elektroprivreda BiH” d.d.-Sarajevo na odabir Konzorcija China Gezhouba Group Company Ltd - CGGC (lider konzorcija) i China Energy Engineering Group, Guangdong Electric Power Design Institute Co., Ltd- GEDI (član Konzorcija) za Projektnog partnera za izgradnju Bloka 7-450 MW u TE Tuzla.
3. Dom naroda Parlamenta Federacije Bosne i Hercegovine daje saglasnost na predloženi tekst:
  - a) Sporazuma o projektnom partnerstvu između JP Elektroprivreda BiH d.d. - Sarajevo i Konzorcija China Gezhouba Group Company Ltd - CGGC (lider konzorcija) i China Energy Engineering Group, Guangdong Electric Power Design Institute Co., Ltd- GEDI (član Konzorcija),
  - b) Ugovora o inženjeringu, nabavi i izgradnji Bloka 7. - 450 MW u TE Tuzla (EPC ugovor) između JP Elektroprivreda BiH d.d. - Sarajevo i Konzorcija China Gezhouba Group Company Ltd - CGGC (Lider konzorcija) i China Energy Engineering Group, Guangdong Electric Power Design Institute Co., Ltd- GEDI

(član Konzorcija) broj 01-07-27673/2014 od 27.08.2014. godine, sa pripadajućim aneksima (od 1. do 8.).

4. Dom naroda Parlamenta Federacije Bosne i Hercegovine je saglasan da Uprava i Nadzorni odbor JP "Elektroprivreda BiH" d.d. Sarajevo nastave aktivnosti na okončanju izbora projektnog partnera za izgradnju Bloka 7-450 MW u TE Tuzla, sa kojim će JP "Elektroprivreda BiH" d.d.-Sarajevo:
  - a) zaključiti Sporazum o projektnom partnerstvu,
  - b) nastave aktivnosti na usaglašavanju i eventualnom potpisivanju Ugovora o projektnom partnerstvu PPA (Project Partnership Agreement) uključujući i usaglašavanje i eventualno potpisivanje i drugih neophodnih ugovora, kao što su:
    - Ugovor o kreditu/finansiranju (The Project Finance Agreement),
    - Ostali Ugovori ako se to zahtjeva;
  - c) nastave aktivnosti za izdavanje garancije Federacije BiH.
  
5. Ugovori iz tačke 4. alineja b), ukoliko budu potpisani, ne mogu početi sa primjenom prije pribavljanja saglasnosti Vlade Federacije, Parlamenta Federacije Bosne i Hercegovine (u daljnjem tekstu: Parlament Federacije) i donošenja odluke Skupštine društva JP "Elektroprivreda BiH" d.d.-Sarajevo kojom se daje saglasnost na konačni prijedlog izbora projektnog partnera za izgradnju Bloka 7-450 MW, u TE Tuzla.
  
6. Dom naroda Parlamenta Federacije Bosne i Hercegovine obavezuje Vladu Federacije Bosne i Hercegovine da redovno informira Parlament Federacije Bosne i Hercegovine o provođenju aktivnosti iz tačaka 2., 3. i 4. ovog Zaključka, te da blagovremeno dostavi Parlamentu Federacije Bosne i Hercegovine na razmatranje odgovarajuća dokumenta i akta uključujući i potrebne ugovore radi davanja saglasnosti ili donošenje odgovarajućih odluka u skladu sa važećim zakonima.
  
7. Ovaj zaključak stupa na snagu danom donošenja.

Dom naroda izjasnio se o zaključku Almedina Aliefendića. Na osnovu rezultata glasanja predsjedavajuća je konstatirala da navedeni zaključak nije dobio potrebnu većinu glasova jer su za glasala 22 delegata, a 15 delegata je bilo suzdržano.

#### **15. Godišnji izvještaj o poslovanju Javnog preduzeća „Željeznice Federacije BiH“, d.o.o. Sarajevo za 2015. godinu**

JP Željeznice Federacije dostavilo je Godišnji izvještaj o poslovanju za 2015. godinu koji uključuje Finansijski izvještaj, Izvještaj revizora, Izvještaj o radu Nadzornog odbora i Izvještaj o radu Odbora za reviziju, radi razmatranja i usvajanja.

Predstavnički dom Parlamenta Federacije obavijestio je Dom naroda da je na 21. sjednici održanoj 16.5.2017.godine Zaključkom prihvatio Godišnji izvještaj o poslovanju Javnog poduzeća Željeznice Federacije Bosne i Hercegovine za 2015.godinu. Tom prilikom usvojena su dva zaključka.

Izvještaj su razmatrala nadležna radna tijela i dostavila svoje izvještaje.

Nije bilo potrebe da direktor JP „Željeznice Federacije BiH“, d.o.o. Sarajevo obrazloži Izvještaj.

U raspravi su učestvovali: Željko Mirković, Osman Ćatić, Aner Žuljević, Enis Džafić, generalni direktor JP „Željeznice Federacije BiH“, d.o.o. Sarajevo.

Na osnovu rezultata glasanja, predsjedavajuća je konstatirala da Dom naroda Parlamenta Federacije Bosne i Hercegovine nije usvojio Godišnji izvještaj o poslovanju za 2015. godinu koji uključuje Finansijski izvještaj, Izvještaj revizora, Izvještaj o radu Nadzornog odbora i Izvještaj o radu Odbora za reviziju jer je za glasalo 25 delegata, 18 delegata je bilo suzdržano, a jedan delegat je bio protiv.

S obzirom da je Osman Ćatić izrazio sumnju u rezultate glasanja, sekretar Doma naroda Izmir Hadžiavdić je izvršio poimenično izjašnjavanje.

Na osnovu rezultata poimeničnog izjašnjavanja, predsjedavajuća je konstatirala da Dom naroda Parlamenta Federacije Bosne i Hercegovine, nije usvojio Godišnji izvještaj o poslovanju za 2015. godinu koji uključuje Finansijski izvještaj, Izvještaj revizora, Izvještaj o radu Nadzornog odbora i Izvještaj o radu Odbora za reviziju jer je za glasalo 27 delegata a 18 delegata je bilo uzdržano.

## **16. Izvještaj o radu FERK-a za 2016. godinu**

Predsjedavajuća je podsjetila delegate da je na osnovu člana 23. Zakona o električnoj energiji, FERK je dužan podnositi izvještaj o svom radu Parlamentu Federacije BiH najmanje jednom godišnje.

Nije bilo potrebe da predstavnik FERK-a obrazloži Izvještaj.

Izvještaj su razmatrala nadležna radna tijela i dostavila svoje izvještaje.

Na osnovu rezultata glasanja predsjedavajuća je konstatirala da je Dom naroda Parlamenta Federacije Bosne i Hercegovine sa 35 glasova za, jednim glasom protiv i jednim suzdržanim glasom usvojio Izvještaj o radu Regulatorne komisije za energiju u Federaciji Bosne i Hercegovine za 2016. godinu.

## **17. Izvještaj o radu Komisije za koncesije Federacije Bosne i Hercegovine za 2016. godinu**

Na osnovu članova 15. i 18. Zakona o koncesijama Komisija za koncesije u Federaciji BiH podnijela je Izvještaj o svom radu Vladi Federacije BiH. Vlada Federacije BiH je prihvatila ovaj Izvještaj i dostavila Parlamentu Federacije BiH radi razmatranja i usvajanja.

Izvještaj su razmatrala nadležna radna tijela i dostavila svoje izvještaje.

Nije bilo potrebe da predstavnici Vlade Federacije i Komisije za koncesije obrazlože Izvještaj.

U raspravi su učestvovali: Slaviša Šućur i Željko Mirković.

Na osnovu rezultata glasanja, predsjedavajuća je konstatirala da Dom naroda Parlamenta Federacije Bosne i Hercegovine, nije usvojio Izvještaj o radu Komisije za koncesije Federacije Bosne i Hercegovine za 2016. godinu jer za su glasala 22 delegata, 17 delegata je bilo suzdržano, a četiri delegata su bila protiv.

## **18. Program prestrukturiranja elektroenergetskog sektora u Federaciji Bosne i Hercegovine**

Vlada Federacije dostavila je Program prestrukturiranja elektroenergetskog sektora u Federaciji BiH radi razmatranja i davanja saglasnosti.

Predstavnički dom Parlamenta Federacije obavijestio je Dom naroda da je na nastavku 31. sjednice održane 9. 7.2014.godine, donio Odluku o davanju saglasnosti na Program prestrukturiranja elektroenergetskog sektora u Federaciji Bosne i Hercegovine.

Program su razmatrala nadležna radna tijela i dostavila svoje izvještaje.

Program o prestrukturiranju elektroenergetskog sektora u Federaciji Bosne i Hercegovine obrazložio je Tarik Begić, predstavnik Federalnog ministarstva energije, rudarstva i industrije.

Nije bilo rasprave.

Na osnovu rezultata glasanja predsjedavajuća je konstatirala da je Dom naroda Parlamenta Federacije Bosne i Hercegovine jednoglasno sa 38 glasova za usvojio sljedeći

### **ZAKLJUČAK**

Program prestrukturiranja elektroenergetskog sektora u Federaciji Bosne i Hercegovine se vraća predlagaču na doradu te se obavezuje predlagač da doraden program hitno dostavi u parlamentarnu proceduru.

Sjednica je završena u 17:20.

\* \* \*

Transkript sjednice čini sastavni dio Zapisnika.



SEKRETAR

Izmir Hadživdić

PREDSJEDAVAJUĆA

Lidija Bradara